

cuius generis sunt, quos IUSTINIANVS Imperator μέσους καὶ ὑπουργοὺς dixit ^{bb)}). Sequestres quoque in hoc sensu malo occurrunt in constitutione quadam VALENTINIANI, VALENTIS et GRATIANI ^{cc)}, in qua ita scriptum est: *Viduae intra XXV annum degentes, etiamsi emancipationis libertate gaudent, tamen in secundas nuptias non sine patris sententia conueniant. In oppugnationem cessent itaque sequestres, atque interpretes, taciti nunciæ, renunciique corrupti.* Quibus ita expositis satis patebit, quinam fuerint inhonesti illi et turpes sequestres. Ex quo factum puto, quod P. LAVINIUS verbum *sculna*, quod idem denotat ac sequester ^{dd)}, retulerit inter verba fordida. Progredior iam ad aliam vim utriusque voci communem, qua significatur συνθηκοφύλαξ. Ita enim CYRILLVS vocem *sculna* in glossa interpretatur, sicuti PHILOXENVS in glossa eandem vim voci *sequester* tribuit ^{ee)}. Est autem συνθηκοφύλαξ, qui custodit συνθήκας i. e. pacta, conuenta, seu, vt eleganter vertit CUIACIUS ^{ff)}, *custos sponsionis* (gallice: *qui garde le gage*), vel custos pignoris positi, quasi apud arbitrum, ab iis, qui aliqua de re inter se sponsione contendunt

^{bb)} in Nov. 134. c. 10. in vulgari versione est: *medii ministri*. HOMB. ZV in Tit. *de Nuptiis*, sed ista verba ibi omissa sunt.

VACH vertit: *qui interuenerunt, et ministri fuerunt*. ^{dd)} Vid. AVL. GELL. *Noct. Attic. L. 20. c. ult.*

^{cc)} quae est *prima* Codic. Theod. *de nuptiis* (L. 3. Tit. 7.) ad quam conf. IAC. GOTHOFREDI *Comment. Tom. 1. pag. 318.* exstat quidem eadem quoque constit. in Cod. Iust. rep. prael. ^{ee)} Vid. not. ad AVL. GELL. *l. c.* quae sunt in editione, quae ex ANTON. THYSII et IAC. OISELII recensione prodiit *Lugd. Bat. 1666.* ex quibus haec hausi.

occupatque locum duodeuicesimum ^{ff)} ad c. *Sequester D. de V. S.*